

Kha 踏台灣地、頭戴世界天 向世界發聲、台灣 chiah 會出頭天!

2016 台灣馬來西亞兩國文化交流團簡章

◎ 主辦單位：台文筆會·社團法人台灣羅馬字協會

◎ 協辦單位：鴻毅旅行社

◎ 活動目的：到馬來西亞檳城進行文學交流 kap 布袋戲公演，促進台灣 kap 馬來西亞之間 ê 文化交流，進一步深化台馬 ê 民間外交、拓展台灣佇國際上 ê 知名度。

◎ 活動內容：布袋戲公演、文學交流、參訪當地文史團體，包含龍山堂邱公司、檳城福建會館、檳城僑生博物館、潮藝館等。

◎ 活動日期：預定 2016 年 7 月 29 (拜五) ~ 8 月初 3 (拜三)，6 工 5 暝。

◎ 招收對象：

1. 台文筆會 kap 台灣羅馬字協會會員優先。

2. 16 歲以上、會使照顧家己，對文化交流有興趣，想 beh 替台灣做國民外交 ê 民眾。

◎ 招收團員人數：30 名，先報先贏，額滿為止。

◎ 報名方式：請先電話連絡 or 上網查詢看 koh 有名額無，Tel: 06-2096384。上網填寫報名表。

(主辦單位有審查 ê 權利，審查了後會通知錄取 ê 人納 團費)

上新活動消息，請上台文筆會網頁：<http://pen.de-han.org>

◎ 費用：會員新台幣 3 萬，非會員 3 萬 2 千 (包含機票、部分餐費、飯店費用、交通費、參觀門票、200 萬旅遊險、3 萬醫療險 kap 行政費用等。

目前有 teh kā 政府申請補助，若請有，團費會當減少。)

無護照 ê、護照到期 ê ài 另外加錢。

有繳費 ê 團員 ē-sái
得著 1 頂特製防 UV
ê 帽子喔！☺

劃撥口座：42266208 戶名：台文筆會

主辦單位通知錄取了後，請佇期限內繳納團費。

退費標準：

1. 機票開票了後無法度退機票 ê 費用。

2. 若 7 月初 1 進前申請取消 ê 人，退 75%

3. 若 7 月初 10 進前申請取消 ê 人，退 50%

4. 若 7 月 28 進前申請取消 ê 人，退 10%

5. 實際活動開始了後一律無退費！

若是主辦單位主動取消活動 tiòh 全部退還

★注意事項：

1. 本團是文化交流團，毋是一般 ê 旅遊團，所以存心“單純旅遊”抑是“抱著相親心態” ê 人請毋通報名。

2. Tī 馬來西亞，素食無普遍。所以，本團無保證 ē-tàng 提供素食，請諒解。

3. 房間安排原則上 2 ê 人 1 間 (若翁仔某做伙參加 á-sī 有特別需求 ê 請 tī 報名表註明清楚)。

4. 猶未有護照 ê 人，請 tī 主辦單位通知錄取了後，緊去戶籍地 ê 戶政辦“人別確認”，才將表格 kap 身分證正本寄來主辦單位。

簡介：檳城 tī 英語號做 Penang，馬來語號做 Pulau Pinang，意思是檳榔嶼。檳城是馬來西亞聯邦十三州 ê 其中一州，伊 ê 首府是 George Town。George Town tī 2008 年 hō 聯合國教科文組織列做世界文化遺產。檳城現此時大約有 160 萬人口，主要族群是馬來人、唐人 (華人) kap 印度人。其中唐人大約佔四成，主要是福建裔 ê 後代。福建裔唐人 bat 佔檳城人口一半以上，所以伊 ê 母語福建話 (Hok-kiàn-oâ 當地人自稱用語) mā 曾經是當地主要 ê 溝通語言。